



丹陽縣志

ル 5
3284
1



門 5
3284
卷 1

光緒乙酉仲夏重修

丹陽縣志

板藏鳴鳳書院

昭和十八年
八月十八日
購索

重修丹陽縣志序

焯
至丹陽之八月縣志適成例得弁言於其上可謂幸矣雖然竊有歎焉夫一邑之大古今之變因革之宜土俗之靡澆民生之勤窳胥於志乎徵之前之人既述所見聞載諸圖籍俾官斯土者得披而悉之參酌而施之所以著成法而利化裁者意至良體至備矣顧傳之既久纂續或不以時初不免以缺略為憾經一二修廢舉墜者為之提倡賡續雖兵燹之後文獻無徵之餘卒能聿觀厥成規模粗具則承乏其後而賴以識顛末詳劇易藉師於前事而權當務之所宜先豈非初膺是邑者

所大快哉惟是斯志之成上距乾隆庚午至今百三十餘載矣當赭寇未平城陷於賊者五稔歲甲子得以收復又十三年丙子前令劉君誥始創議重修迨屬稿雖完而經費無出去歲陳君炳泰攝篆於茲乃以城工餘款錢六十萬復捐錢四十萬爲刊刻經始不足者責之後來議以三月成書又因劉君定稿以來將十年所凡應增應續者皆須再事編輯遂專以屬之附監生林君福源且舉前稿由其討論修飾焉焯之至官則開雕固已久矣自維譎陋初蒞是邦不敢不以咨故訓訪遺文爲亟亟而志乘所載今日之考鏡將來之矩矱實資焉

計疆域之廣袤覽河湖之支委形要所係障決所宜吾得其大勢而經界何以正水利何以修竊慮援据之或未詳也問丁漕之贏縮較物產之盈虛民命所關土宜所萃吾得其大凡而賦役何以平食貨何以正竊慮條貫之或未密也考營建而城郭壇壝杠梁里聚之迹可求孰經紀是而鞏固是竊慮原委之或未晰也觀人物而孝友忠義節廉貞隱之行可述孰闡揚是而興起是竊慮採錄之或未周也列前人之政蹟吾取爲法鑒之資臚當代之典章吾視爲率循之準而是非何以不謬損益何以協中竊慮褒貶之易誣而利弊之未切也自

重刊丹陽縣志 卷之七 序
餘分門別類靡焉弗賅而體例必如何而始嚴去取必如何而始當文藻必如何而始不濫不支焯以職所當知卽心所難恕誠不自揣時亦以管見所及商榷而訂正之而於剞劂旣就諸編則仍有未便更張者且大府方嚴檄督催而用款未充籌備亦不易因陋就簡之失誠知弗免於私心尤戚戚焉以云信今傳後希風古人誠非區區所敢必也然竊聞之

國家功令凡州縣志書六十年必一編纂自今以往太平康樂累洽重熙例定之章無不及時修舉丹陽人文輩出異時豈無康對山呂涇野其人乎則斯志之成他日方當視爲大輅之椎輪且幸其於百三十餘載之時先後搜輯而散者佚者湮沒而弗彰者皆可據依而不盡淪廢是劉陳諸君經營十稔之功關係固重而焯至官八月得以觀成而遂附名於後其又可幸也夫其亦可無歉也夫

光緒十一年歲次乙酉六月知丹陽縣事中江凌焯謹序

重修丹陽縣志序

邑之有志所以詳方域之沿革紀賦役之贏縮校
人材之消長著風俗之盛衰其體例與史微不同
而其資於治則同將使膺民社者物土宜備旱澇
通工商以施其富民之策隆學校烝俊髦褒節義
以展其教民之謨胥於是攬綱領焉則志之關乎
一邑與史之關乎天下無以異蓋志之重也如此
史以備天下之事志以備一方之事天下者一方
之積也邑志者補史所不及詳附庸通志而卽羽
翼國史者也獨是鄉里之間是非得失耳聞目見

日習爲常罕有人焉網羅編次哀集成書以備修志之採錄者倉猝訪求非漏則濫蓋修志之難也如此且一邑之志或閱三四十載而一修或閱五六十載而一修典籍俱存者舊猶在博考旁稽集事尙易曠廢至百有二三十載之久而其間復更兵燹紀載散亡人物寥落當此而議增修其事愈重其勢愈難而其時愈不容緩蓋今日之志宜急於修也又如此丹陽古延陵曲阿地據水陸之衝控南北之要商周之間秦伯季子迭興仁讓百世之下餘韻流風猶有存者自吳楚漢晉以迄李唐

疆界分合風會變遷史冊具在其略可聞宋室南渡陽屬鎮郡爲瀕江重地干戈猶患日尋至元明以來民生罕見兵革其君子崇文學而敦氣節其小人務稼穡而尙儉勤鴻學茂俗輝映簡編

國朝

列聖相承重熙累洽

翠華南巡厚澤深仁旁皇周浹人文蔚起民物滋豐商旅所趨漕舶所輳以至乎嘉道之際可謂盛矣惜其時無有起而任續修之責者遂使盛美闕略或多未詳迨咸豐以還粵匪煽禍毒痛東南陽當要衝

羽書旁午醜類驛騷庚申城陷爲賊踞者五年甲子克復閭里蕭條民居鮮少公私冊籍焚蕩靡遺官斯土者未久代去十年生聚十年教訓姑未遑暇又奚議及修志乎自時厥後民困稍蘇蓋嘗有議修者稽文諮獻因難輒止歲丙子誌承乏茲邑下車伊始延訪耆宿創議重修適逢當道檄催並委楊綬臣太守督理爰於十一月朔設局延董搜採增輯越歲夏五採輯略備增於舊者十之三殉難則別爲一門錄草本屬序於余余惟志猶史也今觀是志疆域河湖猶史之有地理物產田賦猶

史之有食貨忠節儒林猶史之有例傳餘所分列各門要皆略倣史例而變通之而其大要則在詳著利病備究細微以待賢長令之有志富教者斟酌損益法乎古以準乎今宜乎民而適乎俗蘄復乎曩昔之盛焉耳然則修志固今之所重而歷歲曠遠浩劫凋殘愈重而愈難亦愈難而愈急矣誌不敏供職日淺加富加教無能爲役又受代有期逝將他適而猶汲汲焉樂與邑人士觀成者亦期志書粗了庶乎後之君子有所考鏡以適於治也若夫剗剗成編則尙俟諸異日云

光緒二年歲次丁丑知丹陽縣事滑臺劉誥謹序

重修丹陽縣志序

丹陽在江南一凋敝之區也而地當南北夷庚髮逆之蹂躪又視他邑爲特甚余下車以來竊以兵燹餘生元氣未復欲民樂業莫若以不取爲予以不擾爲安故凡事之資乎捐輸者輒不願以刻期成之邑舊有志失修者百餘年矣前署任劉君樸卿奉上憲通飭開局續修三月而畢共得稿若干卷前署任帥君靜陸復於公餘之暇重加校讐均以籌款維艱欲付手民而未果余視事之三年以各州縣志告成者過半頻奉札催於是邀集局董分勸殷實商民醵金繡梓並捐廉以倡之

重修丹陽縣志 卷之六 序
詎志捐未集而賑災胥捐賑捐甫畢而築城又胥捐余懼十數月之間重累吾民民不堪命也復邀諸董議議以事有緩急宜先城而後志乃工未及興而余以不職去矣先是余以志期垂遠未可輕易取新稿繙閱數過管見所及頗亦有所損益及將行局董諸君子惓惓以序爲言余愧不達時宜未能併力兼營俾一邑文獻所存觀厥成於旦夕而諸君子之雅意不可違也於是乎書

光緒九年重陽後二日知丹陽縣事山左張庭蘭撰

重修丹陽邑志序

邑之有志猶國之有史也周制命太史陳詩以觀民風所以考政治之得失也後世綜前賢遺蹟載之邑乘所以發潛德之幽光也況泰伯端委而治季子揖讓成風自漢唐迄於今其間忠臣義士孝子節婦可歌可泣可法可則者均足以激發其志氣增長其識力以成一代之偉人斯闡幽之編亦希賢之軌也余自丙子夏季館於大令 劉樸翁寓所旋郵寄鳴鳳書院課卷數百本囑閱展讀一過知丹邑爲人材藪蓋心嚮往之小陽月抵丹觀

其俗民尙勤儉驗其學士敦經術此固

朝廷德化之所漸被歷任大令教澤之所涵濡而實賴
鄉先輩樹之儀型也有志修明者其忍聽其磨滅
不彰倂矩矱以自歧其趨嚮耶或者謂載籍極博
奚有一志前賢之散處遐方足以供私淑者亦甚
眾奚止一邑株守一編毋乃隘甚非隘也其志疆
域卽封建之典可溯也其志學校卽庠序之教益
謹也其志水利賦貢卽井田之意猶存也於天志
祥異可作月令書觀於地志風土可作豳風圖觀
於人志忠節孝義可作廿二史觀志書籍藝文可

作文獻通考觀噫天地之大闢於彈丸古今之富
藏於尺牘士之能自樹立者覽其大略亦足以開
拓心胸恢宏志氣況闡修數十年總括乎經子史
之全者耶然則茲志一成備輶軒之採補國史之
闕而凡在膠庠之士亦得以紹述前徽觀前人之
器識以自勵取前人之文藝以自勉將見品學兼
優人才蔚起帖括增經濟之光文章自堪華國閥
閱釀和祥之氣孝友亦足傳家是則丹邑之縉紳
耆老所望於後學抑亦望下風所景仰而欣羨者
也時

光緒三年丁丑相月上澣古皮張樹森謹序

舊序

丹陽古曲阿也爲京口郡之屬邑當水陸之衝據四達之會山川旁圍物產鮮少俗被秦伯季子之遺風多崇謙讓而薄爭競尙節儉而黜紛華昔人有云本秦伯衣冠之化良有以也舊有縣志屢經修輯或失之略或過於繁有司未暇更定而梓行焉邇者永康朱良矩以名進士作宰吾邑首以教化風俗爲意奈因庶務繁劇未暇及於邑志間詢於境內得邑人朱密舊所編志鳩工摹刻繼而病其附載文繁卒難畢工矧數蒙催取恐致遲誤故予忘其疲老取其未刻者刪其繁蕪補其缺略

續而刊之以序見屬予惟縣之有志猶國之有史也史以記善惡是非之實政治得失之由志以載山川險易之詳風土美惡之異理不可缺按周禮職方氏掌收天下圖籍以之辨方域制土貢後世郡邑之志蓋本乎此固王政之所不廢昔漢破秦諸將多入庫藏競取金寶蕭何獨詣相府收取圖籍以故高祖得知天下之阨塞戶口之多少可謂知所先務矣予嘗患吾邑之志未及板行每惜前後從政者視爲末務漫不加省遂至廢格因思子朱子昔守南康下車之初輒以郡志爲問古今事殊奚翅霄壤今幸斯志之有成將傳諸永久庶幾後來爲政者得有所徵考且以仰副賢邑宰之盛舉是誠可嘉故不辭而勉爲之序云

正德十四年歲次己卯季冬邑人湯禮敬謹序

舊序

宰天下之大者志一統試邑里者必隨邑之所有而志之邑非天下比奚爲急於志也百里之內川谷異制民生異俗因地爲政當順其習而利導之則邑之志不容已也潤丹陽有志舊矣經始宋蔡逢歷國初張剛王庸迨正德己卯永康朱氏爲令始克成編自予戊辰署邑其去朱永康成志之日僅五十一年田賦政令已代異而歲不同矣今弗取志新之愈遠愈淆嗣爲令尹者何以識張弛之宜而善丹陽之政於無窮乎則邑之新志不容已也乃於簿書之暇闢館潔楮敦延鄉達吳川令

華陽丁君民部郎雲洲荆君偕博士謝子廷試金子璵王子繼鳴簡諸生才者五人耆民諳者二人相與準禹貢周職方制採舊志蒐羣籍大書以提其綱分註以詳其目亂者糾而貞之繁者刪而核之逸者增而詳之始事今年己巳春正月新令孫君珮以首夏至畢力贊厥終事迄閏夏六月新志成釐爲十有二卷支分三十五類予取而讀之則見因革紀而制度可循也利弊周而政教可法也取舍詳而褒貶可定也不俟詢於耆逸而民風之淑慝有所證矣不必聽於閭閻而民務之緩急無遁情矣不必足躡邱陵身履原隰而山川疆域之盤

錯道里井邑之往來有以參晰而經制之矣鴻織洞朗流風彪蔚執斯志以往所以告新令尹而善丹陽之政者殆無窮也非我尹民者一大慰哉孫令請壽梓以傳且謂志之新予意也願一言題其端予因新志有感焉志非觀美具也無論宰天下者一統有志卽喻之富姓然運千金之產未有不悉其家之所有與所宜行者登之籍也至邑之志則有漠然不加意者嗚呼家之有籍以治生也邑之有志以經世也家無籍財弗稽矣無以調劑盈縮而養其生邑無志政莫考矣何以量度機宜而善其治古人愛國如家保民如子殷於治家忽於治

邑非吾所敢知也然則邑志新而政體昭矣政體昭而治邑者將益有所據矣予求爲宜民之政而忠於新令尹者或在是乎雖然今日所新之舊志昔朱令新志也至予已再新之矣後之視今猶今視昔千百世而下詎無可因可革者乎變通以趨時神化以宜民初不病其爲異己也要之同底於道焉爾允若茲丹陽之志雖萬古常新也又在後賢令尹加之意爾

隆慶三年南京戶部廣東清吏司員外郎前進階奉政大夫同知鎮江府掌丹陽縣事雲中馬豸書

舊序

往癸丑歲

皇帝允輔臣請

詔修一統通志會軍興停止邇者巨魁蕩平小腆俘馘

王會輿圖式增其廓於焉興禮樂崇文明覃敷翔

洽顯爍喬皇因而踵茲成命

敕禮部檄下諸督撫大臣彙修省志省徵於郡郡徵於

縣俾各分條別類編次成書上之京師備太史氏

裁擇不休哉其古者採風之意乎

聖天子不能躬歷閭閻與小民相勞苦用仿周禮之制

取大司徒職方氏小史內史所掌圖誌留覽紀載以周知天下之務於天下純雜貞淫休戚利害諸大端爲之移易補救一切更始馴致乎敦龐太和之治甚盛典也故雖小邑弗可苟矣丹陽古延陵雲陽地秦伯季子禮讓之道千百年風流未泯乃邑志之修則自前明隆慶以後無有起而續之者之彥承乏是邦有志未逮恭逢

詔旨適愜夙心爰取邑志考之如所云宋蔡逢明張剛王庸朱密諸本旣已無可稽考僅存正德隆慶時兩志又苦紀載缺略樸遯無文等於杞宋之僅存

已耳而後此百餘年間則代遠蹟湮幾有聲華歇絕之懼是誰之過歟爰與教諭過于飛謀所以編輯之得邑士之才者三人曰賀國璘姜文燦湯玉浮設局纂修凡建置沿革以後星野所分疆域所定山川所流峙宮廟廡舍秩祀典禮所裁制與夫風俗之純漓戶口之盛衰賦役之增減災祥之感召生齒食貨之登耗亭臺津梁陵墓第宅之成毀官師佐貳之污隆昔缺而今宜補者幾何昔逸而今宜收者幾何昔無而今宜增設者又幾何正史而外舉山經地志稗官野史羽陵石室之秘斷碑

殘碣之遺塵不旁搜博考附以論斷而尤加意者則在人物一志名臣儒林篤行動蹟及夫閨門之化釋道方伎之術有美必揚有徵必備約而信嚴而不苛較之舊志亦綦詳矣是役也凡四閱月盡一十五卷聚精會神窮膏繼晷操筆者具苦心焉而職任監修鑒定者亦不敢故爲謙讓稍自託於趙營平不嫌伐勞之義或藉是以塞報稱乎書成次第付梓值之彥奉部議鐫級受代有期獨所爲藝文雜紀五卷尙屬闕如不無爽然若失者傳曰不在其位不謀其政異日求獻章明備卷帙完好

以仰副

聖天子右文至治不能無望焉請以俟後之君子
康熙二十二年歲次癸亥九月旣望知丹陽縣事
奉部議鐫級吳之彥謹序

重修邑志序

往余爲諸生時邑侯喬敦峯夫子以重纂富平志見招辭謝不獲濫竽分校因搜覽關中各邑乘內惟武功康對山高陵呂涇野二先生編記爲最其敘事簡以該屬辭古以奧芟蕪就質力追秦漢洵爲一代手筆而武功志僅七篇雲垂海立包羅萬有尤爲宇內僅見之書至今思之不忘乙丑釋褐啣

命南來初補如皋閱一歲調任雲陽簿書之暇欲披志乘考此邦文獻詎殘闕不備蠹魚漫漶無從窮其



竟委蓋自吳靜庵纂修以來於今已七十餘年矣
竊惟我

國家重熙累洽風敦俗美而陽邑素號名區人材輩
起忠孝節義後先相望不有紀載其何以黼黻

昇平而宣揚

聖化乎司訓陸徵君爲三吳名宿與余有同心亦慨然
以修輯爲任正在陬吉興舉間適余奉

命入

覲厥志未逮嗣任鄒公倡行之割俸開館延請邑之學
富而行優者分任考訂廣爲搜羅毋濫毋遺用矢

公慎而以司諭孫君并陸君專董其成余亦旋蒙
制撫兩臺保留辦差得襄其事會鄒公又以疾捐
館余復奉委署篆而志稿適成終日鹿鹿弗獲詳
加校正偶就諸君子編次內之略可商榷者謬參
已見雖不能追武對山涇野蔚然古茂與前頡頏
然原原本本井井繩繩敘次有法好惡無阿庶幾
可稱實錄而不至蕪穢貽譏矣更幸新尹賀容川
先生以江右碩儒來蒞茲土踵事增華復加點次
迄仲冬哀然成書敬裝潢成帙以備

翠華南臨陳書觀風之一助而舊守茲土者得以藉酬

夙志是又余之厚幸也夫爰不辭謏陋而為之序
昔乾隆十五年歲次庚午仲冬

賜進士出身文林郎前知鎮江府丹陽縣事關中趙
廷健撰

舊序

一邑志者一邑之史鑑也山川風物於是乎存忠孝
節廉卽於是乎備徵文諮獻下成風俗之書納賈
陳詩上供輶軒之採典綦重矣哉況恭遇來春
聖人南幸時邁其邦清問下民將詢邑志是以
各憲
飭修賢宰鳩輯歲杪工竣陽之薦紳以余獲校字
而屬序焉余觀夫陽為京口門戶歸輸之塗也其
鎮經山其澤練湖其川運道其土多曠平其俗崇
儉樸其民務本業而鮮遠貿其士好古學而寡繁
文其達者礪直節其富者好施予其土著多大姓

其風尚尊高年擬諸北方之國蓋在唐魏鄒魯之間者也稽古有虞吳爲荒服自延陵公子起南方聘上國與吾夫子爲莫逆神交繇是一洗勾吳陋習大啓南國人文陽邑其故居也其流風餘韻固猶有存焉者自是循良理學騷客儒宗世有達人代多英傑宜乎薰蒸觀感陽有三代遺風矣至於問麒麟之斷褐詢誕母之仙蹤銀杏猶存金牛徑去雖考古者所豔道而余之爲陽重者固在彼不在此也至我

國家蠲賑之恩萬方覃被而豬湖以資水利動帑以濬漕河則千載一時尤陽人永賴之福極也生斯邑者爲臣必忠爲子必孝士敦正學民息訟風上不負

聖世之養恬下不愧賢人之桑梓茲邑志之修輯夫豈徒哉抑纂修者竭其忱樂輸者勤其義賢大夫仁士或已詳言之余不贅者懼褻也姑溪孫右祥沐手謹譔

舊序

從來文質之迭運各因平時質極者必趨於文文
盛者貴存其質志以文尚惟有質以為之幹風斯
懋焉丹陽邑乘向傳前明正德隆慶二志論者或
病其樸僿寡文至我

朝

聖祖仁皇帝龍飛歲在癸丑奉

詔修一統志 部檄直省郡邑各志次第修舉前縣令
吳之彥集邑之文士編纂成書共二十卷以事鐫
級去任尚虛名臣理學藝文雜記諸卷未備不無



重刊子陽縣志 卷之五
一
缺略之憾嗣後六十餘載未有重加修輯者廷模
以乾隆己巳冬十一月奉調茲土甫受事於一切
城池學校田賦戶籍悉留心經理隨有志鼎新邑
乘會有

旨於明年

車駕南巡邑之人士僉以謂雲陽勝地

六馭所臨而前志鏤板漶漫設

天顏顧問不足以備觀覽非所以壯

宸游昭盛典也爰合詞公籲增修廷模嘉其適符鄙見
繼晤前令趙廷健迺知總督久已檄催修葺業與

訓導陸桂馨參酌又教諭孫右祥到任同事有人
爰開局採訪聘請名賢博稽羣籍詢諸耆老虛公
延攬務求敬慎詳悉拓舊志而加倍焉釐爲二十
二卷付諸剞劂凡六閱月而工始竣念自承乏以
來未及卅歲兼奉 各憲指授凡城隍祠廟名區
古刹

鑾輅經由之地繕完整飭漸次觀成若邑志乃向時所
視爲緩圖而不加之意者然沿流興廢實具於是
且夫爲政之道務準諸古而因革損益必隨世文
質以爲繁簡方今

重刊丹陽縣志 卷之二
聖天子重熙累洽文治駸駸日上章程憲典所在詳備
邑乘所載名物制度人材風俗以及錢穀工役前
有所承斯後有所繼而

國家之史亦於是乎取資其所關爲甚鉅儻因陋就
簡將何以信今傳後是編特苦心蒐討考據明確
閱者觀其序述之詳紀錄之實文質之際庶幾兩
無遺憾蔚然可稱完書斯固邑中先達英俊同心
撰述之力若夫經營措置監督鑒裁廷模亦與有
微勞刻成用書其事於簡端且以見我
朝氣運之隆加於前代粵自

世祖章皇帝英武開基規模宏遠

聖祖仁皇帝繼之六十餘年久道化成漸摩淪浹傳至

世宗憲皇帝精明嚴肅紀綱振刷爰及我

皇帝嗣登大寶寬仁惠愛休養生息人文富盛民氣熙

和

四朝德澤洋溢閭閻紀載益繁休風弗替擬諸周室文
武嗣興而雅頌之作乃在成康之世後之覽者亦
將有取於是乎時

乾隆十五年歲次庚午八月知丹陽縣事鄒廷模
謹序

正德十四年重修丹陽縣志職名

丹陽縣知縣朱方

舉人馬致遠

生員潘暉

生員湯槃

生員李鳳

生員丁玘



主 主 主 主 主

氏

訓

教

人

水

隆慶三年重修丹陽縣志職名

鎮江府同知丹陽縣知縣 馬 豸

丹 陽 縣 教 諭 謝廷試

丹 陽 縣 訓 導 金 璫

丹 陽 縣 訓 導 王繼鳴

原任吳川縣知縣 丁一道

戶 部 主 事 荆文炤

康熙二十二年重修丹陽縣志職名

文林郎知丹陽縣事 吳之彥

署丹陽縣教諭 過於飛

丹陽縣訓導 吳燮

生 員 賀國璘

生 員 姜文燦

生 員 湯玉浮

乾隆十五年重修丹陽縣志職名

主修

文林郎知丹陽縣事 鄒廷模

文林郎知丹陽縣事 趙廷健

文林郎知丹陽縣事 賀祥珠

監修

丹陽縣教諭 孫右祥

丹陽縣訓導 陸桂馨

總纂

舉 荆澤永

舉

人 賀沈采

分纂

舉

人 徐鳳彩

舉

人 郝鳴皋

歲

貢

生 賀雍

分校

舉

人 湯懋

原

任

欵

縣

訓

導 張元龍

郡

廩

生 郭毅

增

生 潘崧

國

學

生 何士晉

優

生 姜藻

生

員 何仕夔

光緒十一年重修丹陽縣志職名

主修

同知銜丹陽縣知縣凌焯

運同銜丹陽縣知縣劉誥

同知銜丹陽縣知縣張庭蘭

運同銜署丹陽縣知縣今授金壇縣知縣陳炳泰

監修

前任廣德縣知縣改授丹陽縣教諭居喆

中書銜丹陽縣訓導聞福圻

監刊

丹陽縣典史馮和根

總纂

銓選直隸州州同孝廉方正歲貢生徐錫麟

生員姜聲需

附監生林福源

候選訓導歲貢生姜璘

分纂

候選復設教諭舉人孫銘

廩生吳廷藻

就職直隸州州同舉人夏汝楫

五品銜附貢生荆紹韓

廩生景樹楠

候選知縣舉人姜定保

貢士姜定鎬

總校

生員冷兆甲

生員程之驥

廩生郭鴻

生員徐元曷

分校

生 員 姜桐發

職 監 生 王燮堂

生 員 賀桂芬

生 員 周以龍

生 員 張汝楫

生 員 賀國棟

生 員 陳秉鈞

生 員 袁春海

生 員 何元福

生 員 荆文彪

理 問 銜 王 烜

職 員 鄭鳳棠

職 員 邵棠

採錄 員 林芝本

生 員 趙奇

副 貢 生 洪席珍

歲 貢 生 朱廷輔

恩 貢 生 胡三瑞

增 貢 生 王景祺

歲 貢 生

生

員 朱啟蘭

歲

貢

生 王煦

廩

生 貢震甲

廩

生 楊在田

廩

生 王吉枚

生

員 林壬吉

收掌

河

南

試

用

通

判

夏錫鵬

凡例

一近世所修府州縣志例首 宸翰今遵其式以合

尊王之義

一星野非一郡一邑所可當近世所修志書皆從省

今亦不載

一舊志分山川練湖漕渠為三篇今志山川附以水

利咸隳枯焉

一賦役一門事關 國計民生今依新定全書一一

詳載同治三年普減尤為曠代 恩施俱錄顛末

於後



一舊志有防汛一門今易其名爲兵防而附以兵事
一雲陽驛爲七省要衝郵傳往來最稱繁劇舊驛在
南薰門外河干兵燹後權移南門內直街俟善後
者之由舊焉

一舊志選舉之外有辟舉科貢武科三日今都目曰
選舉而各著子曰以符體例

一舊志有勲封恩蔭應例國系封爵等目殊屬煩冗
今志封爵附以封蔭較爲簡覈

一舊志人物首列鄉賢名臣案志乘之例書善不書
惡則凡與於斯編者皆賢也何庸區別若夫名臣

言行錄經朱子論定後人表揚先達似未可概施
此稱今有宦蹟可考者特著一曰曰仕進附以武
職按時代先後編入而儒林文苑以下以次見焉
一他府州縣志善堂公所附於建置其有好行其德
克成善舉者則緝入孝義傳今特設一曰曰義舉
凡善舉善士悉隸於篇庶幾以類相從後人開卷
瞭然
一庚申之難士女捐軀徇義而無他事表見者更僕
難數今據昭忠錄益以採訪所得緝殉難紳民表
殉難列女錄二卷庶毅魄貞魂咸不泯滅

一志藝文宜著錄各書目以符班史之例近代志乘
 往往摺摭文字之有關於風俗掌故者而於書目
 轉略殊失命名之義然相承已久何可遽廢今仍
 其舊而書目則附見於後俾目錄家有所考證

重修丹陽縣志目錄

卷之首

序

舊序

纂修職名

凡例

目錄

圖式

宸翰

卷之一



建置沿革 四境附

卷之二

山水

卷之三

水利

卷之四

城郭 橋梁附

鄉都 鎮鋪廠附

卷之五

賦役 戶口 額賦

卷之六

賦役 額賦

卷之七

賦役 額賦

卷之八

賦役 雜稅 驛傳 鹽法

卷之九

賦役 郵政

卷之十

學校

兵防 兵事附

卷之十一

祠祀

寺觀

卷之十二

陵墓

古蹟

卷之十三

職官表

學職表

卷之十四

選舉表 武科附

卷之十五

封爵 封廕附

卷之十六

名宦

卷之十七

名臣

卷之十八

仕進

卷之十九

仕進

武職附

卷之二十

儒林

文苑附

卷之二十一

忠節

卷之二十二

孝友

卷之二十三

隱逸

方技

卷之二十四

方外

流寓

卷之二十五

義舉

卷之二十六

列女

殉難列女傳附

卷之二十七

殉難紳民表

卷之二十八

殉難列女錄

卷之二十九

風俗

土產

卷之三十

祥異

卷之三十一

藝文

詔 誥 制 敕 表 疏

卷之三十二

藝文

書記

卷之三十三

藝文

記 檄 序 贊 題 跋 碑 墓表 札

卷之三十四

藝文


古樂府 五古 五律 五絕 五排 七古 七律 七絕 辭 賦

卷之三十五

書籍

卷之三十六



撫遺





重修丹陽縣志



卷之六



三




經 專







邑廟



丹陽縣志卷首

宸翰 舊志無今增

聖祖仁皇帝御製

夜過丹陽

錦纜徐牽夜未停
 遙天煙靄淡疏星
 居人兩岸明燈火
 最是輕帆過驛亭

自過江至常州府雜詠四首

風平揚子渡舉棹
 過長江暮色林低水
 晴光月照窗
 愛竹為長綠南方已
 滿林喬松分路側
 並作映江潯
 夜過丹陽道紅塵不
 染帆氤氳存五內
 浩氣託經函

延陵曙色闌意與渚田寬人盡農桑力文風表裏觀

高宗純皇帝御製

練湖

練影滄泓綠水春長堤十里淨無塵中郎品藻稱淵注
此語還當出此人

練湖

乾隆丁丑

曲阿後湖古所聞波光如練漪漾漾中郎品鑒得神韻
光祿摘藻多清芬七十二流皆滙此築堤之後事紛矣
濟運利田胥賴之闡礎修置寧聽毀停艦試望有所思
豈容易言制復始

登城霞閣二首

董其昌題俗名三義閣

攬轡丹陽縣觀風度巷衢每因咨米價惟是厘民劬閣
綺重登級城霞向入圖過縣城乃登閣小憩遺風仰三義勝概覽
全吳後樂先憂意同聲眾口呼轉旋賴洪造元氣幸差
蘇

層甍控川口來往實通衢尸祝今猶盛三分昔已劬牛
黃叶佳讖龍卧贊良圖北伐應先魏東連暫緩吳何當
禪弗肯若可董聞呼蔚起赤城色題簷筆是蘇

自無錫放舟過丹陽駐蹕方瀆橋之作

乾隆丁丑

迴鑾將幸徐金陵應必至六朝文物邗訪古吾素志寧

重修丹陽縣志 卷之七 二
無數日留復恐歸期滯無以每趨程原非爲遊恣今朝
遇順風早停頗無事宣傳駐方瀆一百卅里地毘陵及
曲阿瞬息度次第衆舟多不及中途瞠乎棄乃悟有快
心卽有不如意

反李白丁都護歌

乾隆壬午

我歌丁都護却匪歌丁昨舉人思其地昔曾聞東府齊
澣移漕路水淺丹陽土鑿石牛曳舟李白歌其苦長此
奚到今以今可知古豈無疏濬方天工在人補輪年大
小修丹陽運河藉湖水灌輸土汕沙淤常需疏濬乾隆八年撫臣陳大受奏定六年大修而每歲隨宜間段修挑可展大修之限轉漕甚爲便利來往通商賈設如青蓮言漕米其

安取卽事識所懷鳴榔過江滸

金鶯池

雙鷗入地得金鶯瘞處因傳夏棟母名不捨無人高慎
子至今池水渌然清

練湖

四十里周迴曲阿當年讓地慮非訛祇今閘礎依然在
但覺開田日以多

登城霞閣疊舊作韻二首

曲阿循水驛高閣俯城衢每厘唯民瘼寧云忘已劬官
方需考績河務乏良圖風氣殊南北材華盛越吳憂唯

一意切頌漫萬聲呼所幸今成武來巡攜闔蘇

時厄魯特及諸

回部錫封爵備禁衛者並列扈從其地視漢書西域闐蘇蓋遠過之

丹樓祀昭烈香火走櫺衢惜耳事艱就嘉哉志並劬欲

信平難度德不共見深圖無已偏安蜀有求且親去吳

一時懷古慨三義至今呼青雀還南進前程近指蘇

登城霞閣再疊舊作韻二首

乾隆乙酉

運路襟煙郭橫樓帶水衢助休度己義灑掃厘人劬登
覽寧無興安懷要有圖會歸惟北極禮樂盛東吳方抱
一心欲那矜萬口呼殷殷祝綏屢庶得四民蘇

詎可揚帆過登臨俯市衢四巡非一歲三義晒千劬西

蜀成偏業南陽贊遠圖深謀艱伐魏遺恨未吞吳紙幣
今仍走樓桑昔罷呼城霞揭妙理勁筆備顏蘇

今州城在秦古置丹陽郡以丹水為名
 丹水出丹徒山東南流經丹徒縣北入海
 丹徒縣在丹水之南故曰丹徒
 丹徒縣在丹水之南故曰丹徒
 丹徒縣在丹水之南故曰丹徒
 丹徒縣在丹水之南故曰丹徒

丹陽縣志卷一

建置沿革

丹陽凡數見所以輻輳至今者誤認宛陵之丹陽為
 潤之丹陽耳前志星野中所引之丹陽皆今之太平
 府所謂地多赤柳者也今並星野與辨從木從阜處
 皆刪志建置沿革第一 四境附

虞揚州
 夏揚州
 殷揚州
 周揚州

吳國

朱方



秦
始皇二十六年
併天下
三十六郡
無州部之屬

越國 魯哀公二十二年
年吳為
越所併
楚國 楚威王
殺王無疆
取吳故地

翼揚州

荆國 高帝六年封
王賈十年
吳國 王濞

楚郡 二十四年伐楚
虜王負芻以
其地置楚郡
後改為
會稽郡
雲陽 秦史官
占東南
有王氣鑿北
岡截直道使
曲故名
曲阿 會稽郡
六縣 曲阿在
其中 王莽篡
位 改曰
風美

襄揚州

江都國 景帝四年
吳王濞誅以
其地併入江
國都

吳郡 順帝分
會稽郡
曲阿 吳郡統
十三城
其中
雲陽 嘉禾三
年復曲
阿為
雲陽

吳

晉揚州

毘陵郡 太康二年
分吳郡置
毘陵郡
晉陵郡 永嘉五年
曲阿 復改雲
陽為曲
阿
曲阿 分丹徒
曲阿地

魯揚州

宋南徐州

永和二年

置元嘉八年
分江北為南
兖州江南
為南徐州

齊南徐州

梁南徐州

陳南徐州

隋開皇九年
省南徐州

改晉陵郡

晉陵郡

晉陵郡

晉陵郡

為武進郡

延陵
分曲阿
延陵鄉

置延陵

曲阿

延陵

曲阿

延陵

曲阿

延陵

蘭陵郡

蘭陵
改曲阿
武進為

蔣州
隋廢南
徐州為

延陵

延陵
鎮移名

京口
為延陵

縣屬

蘭陵

潤州
開皇十
五年罷

延陵
鎮置潤

州于京口
大業三年
廢潤州
為江都郡

建置沿革

三

唐浙西道 貞觀元年

分天下為十道開元二十一年又分天下為十五道江南東道潤為會府乾元元年建中元年合浙江東西二道置鎮江軍貞元二年分浙江東西道為三道

表

宋浙西路

元浙西道 至元十二年

年屬浙西道十八年改屬淮東道二十六年復屬浙西道

明建南京 洪武十一年

建置沿革

潤州 武德二年置天寶二年改為丹陽郡乾元元年改為曲阿天寶元年改為曲阿為

丹陽郡 天寶元年復置

置乾元元年復改為潤州

潤州

延陵 淮南吳楊氏南

唐李氏並同

鎮江府 政和三年丹陽

改潤州為鎮江府丹陽屬 延陵 熙寧五年廢延陵為鎮

鎮江府 至元十二年丹陽縣

年三月置十二年十二月改置鎮江府路總管府二月十六年正月改置鎮江路總管

鎮江府 初置鎮江丹陽縣

年改稱京師
永樂元年仍
為南
京

國朝江南布政

使司順治十

置右布政使

司康熙六年

改右布政為

蘇州布政使

翼改置江淮
府洪武四年
改鎮江府

鎮江府

丹陽縣

四境

東西八十八里 南北六十五里

東至武進縣界五十八里

西至丹徒縣界陸路三十里

南至金壇縣界四十里

北至丹徒縣界水路二十五里

西南至句容縣界陸路四十五里

自縣至府陸路七十里水路八十里

丹陽縣志卷二

山水

京口諸山自九華東下迤邐蜿蜒過馬陵入丹陽境
沃野千頃達於城西南郊而下長山高驪諸峰之水
滙為練湖數十里至西郭外汪洋澎湃擅魚稻蓄洩
之利東南一帶運河環之結成壯縣志山水第二水
利附

山

觀音山在北門外漕河東岸一名惠山有廣福寺寺前
最高峰上有望湖亭宋改一碧萬頃亭登高一望全



湖在目近城第一巨觀玉乳泉在其下舊有山志一冊載晉時僧房至一藏五千六百間其後屢廢屢興至於明季尙有二百餘間順治初知縣吳之鏞有惠政萬民思之建亭惠山名萬人亭咸豐季年悉燬於亂同治初寺僧量清募建

鳳凰山在縣南五里形如丹鳳銜書

經山在縣東北三十五里昔有異僧講經於此故名上有金牛洞一名金牛山一名金山下有經山泉泉甚清洌東有仙人石石容一人卧山前崇教寺寺前銀杏一株枝葉蟠屈皆西向下蔭數畝圍之以車可十

八輛相傳寶誌僧手植山有寶誌臺

繡毬山在縣東北三十六里三山相連形似繡毬上有

白鶴泉東行二十里入九曲河

陳山在縣東北四十里下有玉龍泉

水漸山在縣東北三十七里

黃連山在縣東北三十八里

沈山在縣東北四十里舊名簸箕山下有赭山丹井因南唐沈彬居此得名今廣孝寺卽彬居址寺北石壁千仞環若翠屏下有沈彬墓相傳開墾時得古墓燈光熒熒有銅牌篆文云佳城今已開雖開不葬埋漆

重修丹陽縣志 卷之二十一
燈猶未滅留待沈彬來遂瘞其旁

武山在縣東北四十里以武氏居其下得名

雞籠山在縣東北三十五里以形似雞籠故名

李家山在縣東北三十五里山前有彭泉南流入九曲

河下有靈顯祠

管山在縣東北四十里因管姓居其地故名

周山在縣東北四十二里

九靈山在縣東北四十里下有桃花洞唐魏法師居此

有仁希仁福二觀今存仁福觀仁希久廢

論山在縣東南鄉道家三十入福地神仙所都見名勝

志

許山在縣東北四十五里

金雞山在縣東北四十五里下有顯忠廟

倪山在縣東北四十四里嘉山後

卯山在縣東北四十五里

嘉山在縣東北四十五里橫卧江邊壁立于初境內第

一高山也狀如伏牛將雨則雲出人以占候上有龍

池建善利廟下有嘉山寺明宦孫氏之園亭在焉臨

江壁上大書深刻則祝希哲唐子畏文徵仲之留題

也

鳳山在縣東北四十里形如鳳翥故名

馬鞍山在縣東四十五里

巖山在縣東北五十里一名白雲山

黃泥山在縣東北五十二里

爛石山在縣東北五十三里

西腰通山在縣東五十四里

獨山在縣東五十五里

固山在縣東五十五里前有普濟院

白路山在縣東北經山後上有白路故名

鍊銅山在縣東北三十五里

彭山在縣東三十五里下有龍池甚靈應山趾有顯濟

廟

寶塔山在縣東北四十里上有寶塔

徐家山在縣東北三十五里因徐姓居下故名西有山

泉

眠山在縣東北四十里一名龍眠山

勝金山在縣東北四十五里上有廣東聖母祠

白鶴山在縣西十五里

甘草山在縣北觀音山後

隨駕山在縣東北經山之西

北岡在縣北十八里練湖上卽秦時所鑿處

太夾岡在縣北二十五里下臨運河有翁仲二

石人岡在縣東北三十五里

青石岡在縣東北四十里

前岡在縣東北四十里

西岡有二一在縣西三十里一在縣東十五里山城

南岡在縣南四十五里

支子岡在縣西十里孫鍾墓前

黃連岡在縣西南二十五里

耿岡在縣東北十五里孝感寺後

朱簾岡在縣東北四十里嘉山前

毬子岡在縣東北四十五里

山岡在縣東三十五里

大泊岡在縣東北十八里

青龍岡在縣東南七十里蔣墅村上建三茅道院土人

名曰青龍山

五聖墩在觀音山寺後

雞卵岡在縣東北五里

三女墩在縣北十五里

道人墩在練湖內相傳湖爲開家宅後拔宅昇去墩爲

開某修煉處

郎墳墩在縣東北五十里經山後

干墩在縣東南七十里詳見古蹟

[Faint bleed-through text from the reverse side of the page, including phrases like '東三十里' and '西四十里']

水

練湖晉郗鑒所鑿塘練兵以備陳敏者也故名練塘一名開家湖又名曲阿後湖去縣百二十步周四十里受高驪長山八十四派之水匯為巨浸湖心有墩齊梁君臣每讌集於此觴咏之餘垂諸載籍唐以後居民築埂於中分上下湖上湖塞為田下湖僅二十里屢淤屢濬迄於

本朝

聖駕南巡臨幸所至軫念民依無許紳民侵占著為定例



御書萬世永賴四大字勒碑於墩迄道光癸巳甲申間

林文忠撫吳奏請修復舊闢陶文毅開府兩江同時

駐節愛其山川建平臺一座廣廈數層前題望雲臨

水之軒文毅後題集思廣益之齋文忠湖心亭改為太白

亭李蘭卿舊有劉猛將軍廟忠義祠名宦生祠陶林

佛殿僧房迴廊曲榭無不光澤桂花開時香聞數里

臺前荷花不種自生十里五里遷徙靡常放舡西駛

略道人墩迴望墩上金碧輝煌間以竹樹幾合金焦

為一景粵寇西來遂成灰燼惟御碑巋然獨存田

濟運詳
下水利

運河自京口引江潮達丹陽繞常州經無錫過姑蘇抵

餘杭八百里寬十餘丈即大業中所鑿通龍舟者也

唐人因之至於今不廢內城河自西關入經泮池由

筆架山後再折渡寺前橋直抵小東門廓城後漕河

包在城內糧舟由東門入北門出東北兩關中賢橋

極高廣嘉靖間知縣李學道鑿演武場達西門城濠

經南門過東門橋運道遂由城外護城河即東門外

運河自東門至北門沿城一帶乾隆三年知縣胡應

葵所開寬廣如一

咸豐六年五月向忠武駐軍鍾山浙省告急分兵

往救退兵丹陽登城歎曰有此護城河勝於十萬師矣次日出兵擊賊公獨坐南門城樓居民觀者數千賊眾我寡退至河濱公命左右吶喊呼聲震天官軍知入死地奮勇向前大破賊兵死者數萬職是河也

九曲河由北門外運河分支七十里達於江明宣德間居民築壩阻隔孫璘告復之巡撫劉孜委郡守姚堂開通於陳家橋建石閘一座嘉山前建石閘一座以時啟閉康熙十八年邑人吳維公陳燝捐貲倡募沿河民夫重濬邑人孫允恭記

香草河在草堰門外運河南通九里等處

簡瀆河在草堰門外由簡橋入通麥溪新河入金壇界明景泰六年巡撫鄒來學檄同知俞端主簿鄭賢重開國朝雍正十三年知縣魏佩蒼開今多淤塞

珥瀆河在縣南七里由運河支出通金壇明成化六年巡撫邢宥命有司疏濬南抵溧陽宜興乾隆二十四年知縣胡映葵奉總督慶領給崔李二案官銀挑濬屯泊金壇糧艘例係壇邑糧戶挑浚

越瀆河在縣東南三十五里
寶家支河在東門外四十里又名新河引潮通港

丁義瀆在縣南三十里白鶴溪分派自下而上自南而

北凡三十五里溉田數千頃宋紹興中袁姓重開

相瀆在縣東南六十里一名直瀆又名扁擔河宋王存

自杭州歸丹陽舊居道經重堰不能速達鄉人自奔

牛開直瀆南通白鶴溪以便其行故名相瀆

李成澗在縣東北三十里流入九曲河

桃花澗在縣東北四十里九靈山下

呂瀆港在縣東五十里呂城青龍橋入引運河南通白

鶴溪凡十八里沿河民田資以灌溉

蕭港在縣東二十七里皇業寺前直入陵口

蕭塘港在縣東北四十五里通河灌田居民自行挑浚

包港在縣東七十里北通大江東連嘉山

左墓港在縣南四十五里

吳陵港在縣西十五里吳陵前

馬嘶港在縣東北六十里詳見古蹟

浦里塘在縣南五里祥符經云三國吳時作又吳志云

嗣主休永安中用都尉嚴密議而作相傳陸凱臨終

諫吳主勿作浦里田卽此

吳塘在縣東七十里卽白龍塘周迴四十里半入金壇

境

北塘在縣北十五里

都波塘在縣南三十五里

千塘在縣南三十五里

閻塘在縣南三十五里

姜塘在縣南四十五里

南塘在縣南四十里

舊塘在縣西南三十五里

九源塘在縣南十五里

繳塘在縣南五十里

皇塘在縣南七十里

萬柳塘在縣南四十五里

萬東塘在縣南四十五里

九里湖塘在縣南四十五里

柳茹塘在縣南三十五里

費塘在縣東二十五里

趙塘在縣東南七十里

長塘在縣東六十里

符神塘在縣東南三十五里一訛扶紳

郜塘在縣東五里

老邨塘在縣東南四十五里

小吳塘在縣西二十五里

永樂塘在縣東南二十五里

前塘在縣西南五里

五千塘在縣東南八十里

譚家塘在縣西南四十五里

萬建塘在縣東南八十里

譚塘在縣西南四十五里

荒寺塘在縣西南三十五里

後塘在縣西北十五里

灣溪在縣東一里

南溪在縣南四百餘步練湖分流東赴運河

萬頃洋在縣西南四十五里

辰溪在縣南四十里延陵鎮上有九女墩見古蹟

馬陵辰溪在縣西北三十里上有馬陵橋

白鶴溪在縣東南五十里出縣之古荆城貫金壇縣北
入毘陵界一名荆溪唐潘佐詩荆溪百里水涵空陸

龜蒙有荆溪早景詩卽此

花家渡在縣東南二十五里近珥瀆河

竅河灣在縣東北五里近九曲河

湯家灣在縣東北三十五里源出彭山龍王廟北流經

埠城入大江

白鶴灣在縣西十里孫鍾墓後源出繡毬山東行二十里入九曲河

瓦窰灣在縣東南三十里珥瀆河

白楊灣在縣西二十里

塌頂灣在縣東三十里

長灣在縣北十七里孝感寺後

七里灣在縣北七里廟西運河邊

漩灣在縣東北三十五里流入九曲河

清水潭在縣東斜橋南百餘步唐僧皎然詩行人無數

不相識獨立雲陽古驛邊卽此

倒潭在縣西二里練湖南岸

石潭在縣東北二十里

楊家溝在縣東四十里一名楊塢溝張溝在其北

華塢溝在縣東十二里入九曲河

雙溝在縣南三十里

天溝秦始皇鑿未詳所在

經山泉源出經山後金牛洞北流注山下

彭泉在縣東北三十五里李家山前南流二十四里入

九曲河

徐家山泉在縣東北四十一里寶塔山前百餘步

玉乳泉見古蹟

鶴溪泉在縣東七十里下琴橋下

龍岡泉在蔣墅青龍岡灣清冽異常品

玉龍泉見前陳山下

丹陽縣志卷三

水利

秦鑿曲阿

晉鑿練塘方四十里唐時近湖居民築堤橫截十四里
爲田分上下湖轉運使劉晏準刺史韋損狀奏請更
開下湖先是春夏雨水漲滿近湖居民引溉田苗官
河水淺又得湖水灌注租庸轉運商旅往來甚便若
霖雨泛濫卽開瀆洩水北流入江築堤以來湖中地
窄無處注水雨多卽向南奔注丹陽延陵等縣良田
八九千頃嘗被淹沒旱則近湖田苗無水灌溉所利

一百十五頃田損三縣之地自晏奏請依舊障水爲湖邑民免憂旱潦

南唐昇元中知丹陽縣事呂延貞奏請作斗門以通灌溉狀下所司處分五年十月斗門成

宋紹聖中蘇京知丹陽縣事以練湖蓄水可濟漕渠歲久湮塞是年告旱乃募夫濬湖易置斗門十數以時瀦洩民不知饑湖水灌注公私便之

紹興七年轉運使向子諲見鎮江至呂城一路夾岡形勢高仰春夏不雨官漕艱阻遣官屬李潤詢練湖本末知此湖屢廢屢復堤岸不修侵佃冒決湖堤水不能瀦舟楫不通公私告病遇雨則丹陽金壇延陵民田盡被淹沒令丹陽知縣李穆增置二斗門一石礎修補隄防盡修舊蹟庶爲永久之利

淳熙中增置斗門礎函以備蓄洩斗門柱易之以石淳熙六年秋旱領總錢良臣請以縣官緡錢及粟募民浚湖治堤

乾道七年詔兩浙漕臣沈度專一措置修築

慶元五年以兩浙轉運使言重修呂城兩閘增造一新閘

元初居民占租爲田至元三十一年仍浚爲湖

大德九年重修海陵陳膺記

至大三年設練湖提領官添補湖兵百人令專任修築

至治三年修築堤堰

泰定三年本路常州平江建康江陰五郡著倩人夫正月十七日至三月四日每夫日給官米三升中統鈔一貫凡費米三千一百十八石五斗鈔十二萬三千九百五十貫湖工成翟思忠記

明洪武二十八年作堰塘

三十四年知府劉辰知縣董復重修堰閘邑人張存記

正統六年知縣陳誼令耆民督役築堰植柳及修東堰二斗門駕橋於上以便行者

景泰六年巡撫周來學檄同知俞端主簿鄭賢修治湖堰陂塘以蓄水利

成化中知縣蔡實每歲春首召民修築坍塌加修斗門函管民有侵占湖田者治罪如律

嘉靖間知縣高謙復修築之申禁侵佃湖田刑科睦煜記

隆慶三年巡撫海瑞修練湖堤岸

五年復奏請通修悉令完固

湖兼浚孟瀆五年敕下巡江御史林應訓議復奉行

郭思極疏稱近臣巡歷常州丹陽以至鎮江見漕河淺涸大異往時運舟鱗集停閣不前蓋由天時久旱外無江湖可入內無支流可濟雖竭盡挑濬之勞末如之何乃考按圖經諮諏士庶則有陳迹可復地利可修者得二說焉一日清復練湖以永資蓄洩蓋江南漕河綿亘四百餘里北高而南下在蘇州以至常州則地形最下水得流通雖遇旱年不至甚涸自常州以至京口地形高亢河流易涸雖奔牛呂城建有石閘二座以時啟閉蓄水以待運船然藉蓄水以待運者實丹陽之練湖為源也湖去丹陽城百步而近漕河廣周四十餘里仰受長山高驪之水匯為巨浸唐宋以來築有中埂斗門石閘制度詳備歷代修浚是以水得停瀦汪洋不竭夏秋則厚水以灌田冬春則放水以濟運故有湖水放寸河水長尺之語其資於漕運甚大也夫何守令狃近利而忽遠圖縱令勢豪周圍告佃成田日侵月削寔失舊制佃湖之家私放其水冀免淹沒而便於耕作傍湖之民又私開函洞張網其間而利於取魚彼皆相仍視為己有雖有

建議請復而忱於謗讟因循中止年復一年今且揚塵矣一遇亢旱束手無策是天造地設之利而人棄之安得盡委天時哉臣愚以為佃湖租稅之入為利甚微漕河蓄洩無賴為害甚大理當清復無疑但向之清復未能者勢豪家豪戶阻撓於其間而任勞任怨之難其人也今既敕有憲臣專營水利奸頑之徒自當讐伏憲臣主持於上有司奉行於下披圖按籍一清復之倘以貧民失業為慮臣又訪得該縣有萬頃洋等處皆可墾為膏腴之區使佃湖之家轉佃於彼則失於東者償於西公私兩便矣一日議修孟瀆以旁通舟楫夫奔牛呂城之二閘例於冬閉春啟蓄水以待運船然秋冬之交運船空回必取道於此而官船之往來亦取道於此上下交馳情奪勢阻欲其恪守閘規不可得已求諸先年有不由二閘而可以間道遠江者則有武進之孟瀆河在也河在武進之北延袤六十餘里而長外通糧船與往來官船率由北向使此河不淤則回空糧船與往來官船率由北抵江俾奔牛呂城得閉閘以蓄水專通漕艘則勢不至於淺涸之甚緣嘉靖年間遭值倭亂築堡中流設兵禦守於是河流漸微日就阻塞雖有建議開濬之

者計度工費約該五萬餘金而當事之臣經理欠周
 乃欲以武進一縣之民當之譬之一國之事而責辦
 於一家十人之負而責荷於一人勢有所不能矣以
 故旋議旋寢至今將為平陸安望其通舟達江哉臣
 愚以為此河之開不獨有資於灌溉而實有資於漕
 運不獨有便於武進一縣而實有便於常鎮二郡今
 惟責之水利憲臣詳為酌議民力取諸常鎮二郡錢
 糧取諸漕運衙門不必加派病民而計工授值事無
 不濟孟瀆一開則既有間道以通舟楫而運開得啟
 閉之宜又引江湖以達奔牛而運河資接濟之力縱
 有亢旱不致坐以待困如今日矣亦緩急可賴之一
 策也○陳世寶亦本其意具題大略言豪黠占為己
 田止利其水之不存便於耕種而不顧此湖之便於
 漕運人情之樂於清復有司惟以城狐社鼠寢而不
 問不知朝廷三尺之法將安用乎

十四年湖工告成立欽依湖禁碑於堤上知府吳撫
 謙條議事宜撫按合題下部覆奏依擬行外仍議每

年八月初旬兵備道呈請撫按巡江行委各府理刑

官到湖查勘庶法在必行利垂永久

附錄吳撫謙條議其議云練湖

受長山八十四岔之水通運河周迴四十餘里分
 上下二湖界以中埂見有石閘三座蓋引上湖之水
 以漸達之下湖更有石閘三座石礎一座則引下湖
 之水以漸達之運河又有函洞一十二處則引上下
 湖之水以達之田間函洞以時啟閉則民間之旱澇
 無虞閘座以時啟閉則運河之蓄洩有備行令該縣
 水利官每年春初督修湖堤以防衝決著為令其費
 取之湖中漁課不足則以修河米銀益之水利通判
 不時查閱一應啟閉事宜悉聽經理
 若有勢豪侵業撓法者參呈究治

天啟四年巡漕御史徐卿伯請清湖地以濟漕運

崇禎四年巡按御史饒京疏請復湖濟漕奉旨修復

其經費准將協濟河工等銀動支

疏略言江南水利以漕河為先而灌

田次之漕河水利以鎮江之丹徒丹陽為先而他邑
 欠之臣聞丹陽有練湖蓄水可以濟運之窮而利漕
 艘之涉久藏於心於七月杪出巡丹陽即為詢訪周
 覽形勢是天於無水處生此湖以貯水非等閒也再
 按圖形查上練湖坐丹徒縣高運河數尺運河即承流
 仰流焉下練湖坐丹陽縣高運河數尺運河即承流
 焉勢若建瓴上湖中埂有石閘三座蓄水以待運河之
 之涸下湖亦有石閘三座蓄水以待運河之涸水去
 丹陽防其下洩於水之下流離丹陽四十里地名呂
 城有石閘一座去呂城二十里地名奔牛亦有石閘
 一座以護其外水滿又恐上洩又於水之上流丹徒
 京口有石閘二座前人之制可謂周備亦總為此運
 船計耳當年糧艘皆於冬春起運如丹陽一路水枯
 舟淺難行遂啟下湖開版放水入河而緊閉呂城奔
 牛二閘湖記云湖水放一寸運河滿一尺自奔牛至
 京口一百六十里運船得以啣尾溯流而上達於江
 全賴此練湖之水也厥功豈細哉至萬曆年間移為
 夏秋之運不苦無水即蓄亦安所用之迄今多年兩
 湖棄置空閒之地變為桑田上下湖之函礎與呂城
 奔牛京口諸閘俱成頽敗可為傷心今漕規已復正

在冬月無水之時奈何不修復祖宗舊政而年年勞
 數萬之民費六七千金臨時挑浚將無已時也一濬
 而胥吏獲大利細民受大害每年死於奔走饑寒者
 不知凡幾更復何從控訴耶崇禎三年分回空漕船
 俱於十一月抵京口而鎮江一帶運河枯淺難行即
 頻檄築壩挑濬動民夫三四萬壩方成而糧船急欲
 進口赴倉兌米掘壩爭入前工盡棄且旋挖旋築再
 築再挖府縣申詳如雨而受兌亦係急務勢不能禁
 及至告成而費力已不可勝言矣臣目擊心傷用敢
 冒怨冒罪倡言日漕規既復則祖宗故事當修也二
 湖之水當蓄而既壞諸閘當理也閘能止水函洞為
 尾閘之洩傍湖之馬陵上新等處一十三函當議湖
 水蓄而臨期不過一啟版之勞六郡漕船可無遲誤
 之虞數萬生民頻無浚掘之苦前人久有成績何可
 永以相棄反見小利而忘大害恤眾怨而忘國計哉
 說者不過謂棄置已久修復未免廣費金錢然費財
 一年而可省頻年濬河之冒破勞民一年而可省年
 年濬河之痛苦所謂一勞而永逸暫費而永甯者也
 伏候敕下查議修復即嚴著為令有敢透水道洩水
 者坐以重辟勒石以紀其事乃永永無虞矣觀斯湖

也即不必言有濟於漕而專言水利當興更孰有大於此者哉

五年知縣王範修築堤閘工竣巡漕御史闕闕疏請

修復奔牛呂城丹徒京口諸閘

六年巡撫僉都御史莊祖誨巡撫御史陳乾陽具疏

報完更請復九曲河不果疏略言丹陽北鄉有九曲

河向亦灌田濟漕自練湖廢而此與之俱廢今正鼓

舞義民修復亦補助練湖之不足也

國朝順治九年巡按監察御史秦世楨奏請清還占業

修復故址以利漕蘇民將廢閘湖堤照舊修理

康熙十三年江甯巡撫馬祐以奸豪違禁濫佃練湖

關係漕運民生題請再申永禁酌議各復函閘以全

水利疏略言該臣看得丹陽一邑乃江浙漕艘必由

西北有練湖廣袤四十餘里湖有上下兩名下湖貼

近運道但隔一堤上湖仰受長驪諸山入十四流之

水由中埂石閘以入下湖專濟運河之涸惟有山水

驟發勢甚奔騰溢則瀾漫止則竭乏是以向設閘函

關鎖便於儲蓄冬春啟閘濟運夏秋啟函灌田兩省

漕運轉輸數萬民田灌溉實惟湖水是賴其運河南

北有奔牛呂城陵口黃泥壩各處閘座依時啟閉調

濟漕運規畫無不詳備獨是練湖地勢高於運河一

遇水涸湖底皆可墾種每有奸豪垂涎侵占妨漕病

民故明歷年嚴禁碑制昭然即本朝定鼎之初乘

經制未備捏為練湖荒棄高者可耕取其租銀以益

蘆課侵占至九千餘畝前按臣秦世楨於順治九年

具疏詳陳部覆敕督按諸臣嚴行司道官力禁侵

占將廢閘湖堤照舊修理奉旨依議遵行在案祇

重刊大陽縣志 卷之三十一
派濬大爲民累又有奸豪賀傳錄王士良朱尙綱等
貪利營私悖違禁律藉口濟漕無實先後赴蘆政衙
門朦混告佃并從前史遺直等墾占共至六千五百
餘畝幾廢練湖以致湖旁田地並絕灌溉之利業戶
王道誠等具呈控告臣嚴批究審因承問各官屢未
協力現駁臬司執法確究詳報至於各處開闢雖修
理工費浩繁事關國計民生未便因循貽誤臣現在
嚴催藩司作速勘估確查酌議經費另疏題請修復
以垂永利並將賀傳錄等先後違禁墾佃蘆課湖內
田畝勘實有礙水利者盡數退還仍歸於湖永禁侵
田庶漕運國課均無
有誤矣理合具題

康熙十九年吏科張鵬以裕國便民事奏請佃湖會
巡撫慕天顏奏定上湖高仰召民佃種下湖低窪仍
留蓄水嗣後衆皆效尤二十四年弊陛下湖田四百
二十八畝三分一厘二毫報後又於二十五年陛下

湖田七百四十三畝二分一厘五毫三十一年陛下
湖田四千八十五畝一厘九毫四十二年陛下湖田
一千九百六十五畝五厘前後共陛下田七千二百二
十一畝六分零佃者愈多原設函洞閘壩不利其存
反利其廢已陞之外存有四千四十餘畝亦盡行私
墾濱湖民田歲有旱乾之患害不可勝言矣

康熙四十六年

聖駕南巡念東南水利飭督撫漕河大臣條議凡有資
灌溉應疏應築者具奏

恩准發帑修建丹陽沿湖居民邵日茂孫道宏等呈請

復湖情願將所陞下湖田應徵賦額於濱湖民田內均攤認完蒙巡撫于闕會同各院具題奉

旨依議

江蘇布政使闕額請復湖蓄水灌溉民田以裕國

課康熙四十八年正月十三日奉

旨該部議奏

兩江總督邵穆布江蘇巡撫于闕總漕桑闕疏言下湖仍留蓄水每年額徵地丁漕項米麥相應在於湖旁民田各戶攤徵於河渠水口度其地有支河港蕩並加疏浚閘壩年久傾圮俱應修葺以備旱澇又查

佃種湖田各戶本非無業之人當日承佃不過冀獲望外之意今已佃種多年所收籽粒足償開墾工價之費原無有礙民生在湖旁居民自下湖成田之後數萬腴田十歲九歉一復為湖向之瘠薄者仍為沃壤無不踴躍歡欣視此湖田數百兩之錢糧均攤賠認心悅誠服又豈有重徵苦累之憾總之廢湖成田獲利於湖內者小而遺累於湖外者大若廢田復湖失收湖田之利者少得沾復湖之惠者多凡為地方興利除害當圖其大而不計其小與其留此湖田七千餘畝而使數萬民田旱潦無資孰若廢田復湖俾

均沾利濟之爲便也相應會疏題請其復湖蓄水利
田濟運有益國計民生前已備載無庸復贅所有湖
田額徵本折錢糧卽應於康熙四十八年爲始令濱
湖各戶完納除地丁銀兩已奉

上諭全蠲外其應徵漕項米麥卽於邵日茂等名下照
數按畝攤徵湖中魚菱出息令該縣主簿收管報銷
仍不時巡察如有闕函殘缺堤埂坍塌不爲修築卽
行詳參倘有奸民盜掘嚴拏從重治罪康熙四十八
年九月二十五日題奉
旨依議五十五年百姓建

聖恩亭於湖上覆萬世永賴四大字碑

嘉慶十五年鎮江府黎世序飭丹陽縣徐學瀚重修
堤閘

道光九年巡撫陶澍奏請重修黃金牐改建張官渡
牐飭鎮江府趙光祿復建黃金牐於舊址丹徒縣吳
浚任之徙黃泥牐於張官渡丹陽縣朱清耀任之兼
修練湖堤埂函礎

道光十四年五月副貢生劉會恩文生冷雲黼廩生
楊嘉樹呈請增建減水壩兩江總督陶澍會同巡撫
林則徐奏明飭常鎮道李彥章相度機宜擇地添滾

水壩一座委知縣畢以紱教諭李振綱在黃金壩附近添築蓄水土壩新函壩改建濟運石壩古函用石堅砌口門又於下湖東埂添建減水石壩二座共計經費六千四百餘緡照認賦田畝均派

道光十五年巡撫林則徐改建張官渡正越兩壩修建呂城壩

道光十六年巡撫林則徐題奏為籌辦通漕要道將練湖堤壩勸諭民修運河開工由官捐辦以濟漕運

長資利益其摺云竊照鎮江為漕運咽喉江浙兩省浚河道蓄水提船一切機宜惟鎮江道府縣營責成為重其挑河例價不敷並須江蘇各屬州縣捐資協

貼一遇江湖低落設法推挽勞費尤倍於平時揆其致病之由總因該處運河本係鑿山通道並無水源祇恃引江入河以資浮送而江水本不宜過大若運河灌輸盈滿於行舟固為順利而沿江田地早已被淹如江水低落則利於洲田又不利于漕運兩者相較固係農田為本而運河則須隨時盡力以圖補救之方臣陶澍於嘉慶二十一年巡撫南漕即以修整閘座濬治練湖等事縷晰陳奏道光七年九年在巡撫任內復即次奏明籌辦開壩以資收蓄誠以江湖長落靡常緩急仍難盡恃練湖開於近代在運河之西為長驪諸山眾水所注唐宋元明皆治之以濟運其上接丹徒境者謂之上練湖下接丹陽城者謂之下練湖上湖高於下湖下湖又高於運河以節傳送有湖水放一寸運河增一尺之諺與山東運河之有南旺南陽微山諸湖情形相仿明季湖禁漸弛居民占墾遂致就湮我朝康熙十九年始定以上練湖改田陞科下練湖留資蓄水然湮塞已久所蓄究屬無多而濬湖築堤經費太鉅是以屢議屢寢臣陶澍在巡撫任內奏修閘座亦係先其所急將黃泥閘移於張官渡以當閘之下游俾得擊託湖流使之

回漾稍濟江湖之不逮其於重運空回經過閉版蓄
 水會著成效然全湖堤壩久已損壞水來則直冲而
 易決水去又一洩而無餘臣林則徐於道光十三年
 秋間親歷履勘因議擇要築壩以利節宣迨十四年
 四月臣陶澍閱兵過彼亦經覆勘意見相同遂即定
 議籌辦並經附片奏明在案隨飭常鎮道李彥章
 相度機宜在於該湖頂冲之黃金壩及東岡一帶先
 築兩重蓄水壩加倍圩埂二千八百八十丈零使山
 水皆得入湖不令散漫又恐水勢暴猛或虞冲決因
 於東堤添建減水石壩兩座如遇暴漲有所分洩可
 以保堤其通入運河之處勘得有念七家古函較舊
 濬之范家溝機勢更順因修復古函以作水門並就
 近建設濟運石閘一座於運送軍船時放水接濟漕
 過之後用土填築留一函洞以灌堤外民田是不特
 濟運有資即農民亦咸沾其利臣等當即飭道督縣
 勸諭得沾水利之業佃或出資或出力令其舉董經
 理官為督率與情咸知利益踴躍急公自夏至冬工
 程陸續報竣適值是冬丹徒水涸回空全進橫閘臣
 林則徐親駐鎮江督催提挽飭該道李彥章試放濟
 運新閘由念七家函引水而出竟能倒漾上行至數

十里之遠連放數次軍船得以銜尾南行其效頗為
 顯著此道光十四年勸諭民間捐築練湖蓄水減水
 諸壩暨修復古函改建濟運閘之情形也復查下游
 張官渡一閘為漕運經過要津前將黃泥閘移建該
 處原以引截練湖便資擊託時經七載固限早逾第
 年來溜勢時有變遷河形漸形灣曲每遇夏秋盛漲
 疏洩不及金門難免逗留即恐有礙舟行臣等返復
 札商今昔情形既殊自須變通盡利欲其順溜直取
 莫若因地制宜隨勘該閘迤上相距二百丈之處溜
 形漸形平緩而其地勢仍在練湖濟運閘之下游疊
 經督匠相度僉謂宜將該閘移建於此但舊閘只有
 一座金門而舟楫經由絡繹不絕欲移改建尚須另
 籌行船之處始可截壩興工因思移地建閘原欲以
 殺水勢莫若改一正閘越閘轉換尤靈遂於所勘改
 建之地先就南岸一邊開出越河將地勢加倍展寬
 俾其可容機心雙孔之閘即於越河圈築攔壩一道
 仍留靠北一半河路俾得照常行船其在攔壩以內
 者即可施工先建越閘俟越閘工竣放水通舟然後
 拆去靠南之壩圈於靠北一邊以建正閘如此倒換
 辦理往來船隻既無阻滯之虞而雙孔閘成又免涌

激之患將來設遇修理亦可不礙漕行但一開改爲
 兩開中添機心一道所需工料倍多而經費有常仍
 不敢遽請動帑查挑辦徒陽運河向由各屬捐資協
 貼本係歷有舊章若果開座鈴束得宜即挑費亦可
 期節省是以改建該閘仍歸官捐辦理各州縣中急
 公從事者尚不乏人自上年秋間集項構料興工至
 十二月內先將越閘辦竣工料均稱堅固維時回空
 南下又值潮枯水涸之年當即放出湖漕將該閘下
 版攔蓄愈得倒漾之力江浙回空約三十艘無不由
 該閘而下更爲濟運之明效旋即接手砌辦正閘不
 日可以告成此上年至今改建張官渡正越兩閘官
 捐辦理之情形也惟思張官渡之下游尚須重門收
 束遇水淺時上下拘版此啟彼閉始能呼吸相通即
 練湖圩埂壩函雖已擇要勸民修辦而殘缺之處尚
 多仍須設法籌維以期湖水多蓄一分即運河多得
 一分之益查張官渡以下六十里有呂城閘建自宋
 元祐四年其地勢正當扼要我朝雍正年間就舊
 基重建正越兩閘嗣是越閘湮塞糧船祇由正閘經
 行嘉慶二十二年會經估修旋又議緩上年該閘金
 剛牆漸坍到底坍下之石堵至金門重運經臨幾爲

所阻經丹陽縣督率呂城巡檢集夫擡撈始得通舟
 此時勘估與修實屬刻不容緩惟該閘越河久爲瓦
 礫填壅越閘石料剝損尤多今既議興修仍須兩閘
 並辦不便偏廢現照張官渡章程先行挑浚越河趕
 修越閘已於正月興工此時糧船正在北行仍令經
 由正閘俟越閘修竣得以通舟再將正閘接手開砌
 所費經費亦歸本省官捐項下樽節辦理概不敢請
 動欸項至練湖堤身單薄之處西南兩面尤甚其蓄
 水舊制本以湖心二尺八寸爲度因湖底既淤堤埂
 遂致不能多蓄欲籌束水不外培堤但湖底既淤即
 以下湖而言周圍已四十里勢難全行圍築前於湖
 東一帶酌建蓄水減水各壩並築圩埂二千八百餘
 丈來源已有歸宿不致旁溢斜分令再勸諭民間於
 湖之西南兩面就近挑挖湖淤即以挑出之土培築
 堤埂照舊制高一丈二尺南寬四尺兩邊二五收分
 更足以資攔蓄該處近湖民居有一百八十三村計
 田四萬六百八十餘畝向來修水利本有按田出夫
 業食佃力之章程茲復由該道李彥章督同鎮江府
 龔文煥分別出示覆加勸諭農民均各樂從臣等已
 飭陸續興挑即令印委各員常川駐工稽查督辦務

使逐一核實迅速蕪事俾運河常資利益漕事
年勝一年以期仰副 聖上利運便民之至意

咸豐中大軍築營壘開長濠湖水由濠入江同治七
年候選訓導冷宗勳歲貢生林繹文生薛漢文武生
張鼇等因練湖各閘傾圯呈請修築知縣迺常五酌
欸興修費二千八百八十餘緡於本縣抵徵欸內撥
用

光緒九年第四閘復壞知縣陳炳泰督同舉人孫銘
姜定保歲貢生林繹附貢生荆紹韓捐資修築用錢
一千二百十九千有奇兩月工竣

右練湖

吳赤烏八年使校尉陳勲作屯田發屯岳兵三萬鑿句
容中道至雲陽西城以通吳會船艦號破岡瀆上下
一十四埭上七埭入延陵界下七埭入江甯界於是
東郡船艦不復行京江矣晉宋齊因之梁以太子名
綱乃廢破岡瀆而開上容瀆在句容縣東南此南京
運河
陳堙上容瀆更修破岡瀆隋既平陳詔並廢之
隋大業中煬帝幸江都自京口開河至餘杭運河
始此
宋治平四年七月都水監言兩浙相度到潤州至常州
界開濬運河建置堰閘乞候今年住運開修夾岡河

道

乾道中自丹陽至夾岡自利涉門濬至江岸

元至治二年開濬漕渠自江口至呂城一百三十餘里

泰定間浚治

翟思忠記

明洪武元年復自京口開浚直抵常州

天順六年重浚先是正統間巡撫周忱及邑宰陳誼

奏請淘浚淤淺通潮水未成而罷至是巡撫崔恭知

府林鶚邑宰霍方深浚之並撤呂城新墜石閘潮通

如故

倪講有運河疏記

成化六年邑宰蔡實稟巡撫邢宥令起集三縣人夫

自辛豐至陵口挑浚淤塞

宏治間巡撫呂闕奏請四府人夫自京口至奔牛壩

止重加疏浚以便漕運以後或一年一挑或三五年

一挑深廣如制

崇禎初重浚極其深廣民得休逸二十餘年

國朝順治九年開浚

康熙六年重浚七年九年十二年十四年自是無歲

不浚無歲不阻歲役工數十萬民深病之

按漕渠在丹徒界者四十五里在丹陽界者九十里

地勢如建瓴上置京口閘下置呂城閘每冬閉閘蓄

水以濟漕艘不足則以湖水助之又去呂城十八里

設奔牛閘水利官親臨閘上俟漕艘畢入先閉奔牛閘後啟呂城閘以防水洩明嘉靖之季此制漸弛冬運河水淺阻輒驅百姓開濬隨濬隨淤歲以為常知府吳撫謙曹一鵬范世美修復舊制通計河身自京口至三板橋武進交界共長一百六十里其間因山為崖土聳而浮最易崩瀉加以江湖衝激泥沙入而淤塞比年小浚五年大浚為必不可省之役而杭嘉湖蘇松常六郡二百餘萬漕白糧艘悉由此經過是徒陽之河道實六郡之咽喉舊時開浚例有協濟修河米折銀項解鎮江府庫聽候修河支用原不獨累徒陽各府賦役全書載明可考後因三藩變亂移充兵餉平定之後歸作河工帑項改解河廳銀充河帑徒陽之民遂困徒役受累無窮矣

康熙十五年徒陽士民王彥學等具呈縣府詳憲二十二年紳士張九徵等請協濟浚河呈為六郡之需土河一例徒陽之屬累難支仰請特詳上利

國儲下甦民命事

呈載府志

又有生員王琳等節次屢敘苦

情具詞通呈各院或批照例疏通毋悞運行或批候來春另詳查議定奪或批獨累徒陽民力難堪但題動正帑並浙省及蘇松常協濟成例本衙門無案可

稽後又有兩邑士民王文然殷天良等以災黎困苦已極事具控各憲蒙江常鎮道王畿屢次通詳各院未經

上達雍正二年奉

上諭督撫河漕諸大吏等京口一帶運道爲南北咽喉歷年以來用丹徒丹陽兩縣百姓挑濬淤淺工役物料俱出民間以蘇松常杭嘉湖六郡共濟之漕河而偏累兩邑民力難支民財易竭朕深加軫念爾等當確估僱夫挑濬之費悉心籌畫令地方官支用地丁錢糧或令河員耑司其事於河帑內開銷再浙省蘇松向有協濟

之例令六郡共襄工費以濟運道確議奏聞副朕愛恤黎元至意如此等事皆爾等地方官當行事宜因循推委置之不理而待朕之諭朕實爲爾等愧之如此等事宜皆當留心者也可共勉之無負朕之委任又聞得此一帶年年挑濬集土兩岸堆積如山一經山水易於攤下此等處亦當斟酌者也特諭欽此隨經督漕河撫各院會勘題請動支地丁錢糧將河道淤淺之處乘時挑濬原設閘壩傾廢之處修建堅固委揚州府江防廳同知胡璉鎮江府水利通判徐永隆於雍正三年十二月內開挑河道並修建黃泥壩閘呂城閘

雍正四年准里民王韶等請蘇松常鎮杭嘉湖七府屬州縣每歲額征修河米折正銀一萬二千二百五十六兩六錢六厘零復解鎮江府聽候修河支用乾隆七年十二月初九日江蘇巡撫陳大受題請撈浚運河每歲冬令興舉徒陽兩縣地方印官有徵漕之責勢難兼顧嗣後每歲撈浚責之兩縣縣丞辦理六年一大挑專責鎮糧廳承辦以爲定例奉旨允行通飭遵照兩邑百姓仰荷皇恩具呈各憲勒石於府學明倫堂又感江常鎮道王實心爲民之意刊

恩免開河全書以垂不朽

嘉道以來每屆開河之期由藩司委員前來本府移文揚州府僱淮夫若干開畢押送淮夫過江民不知役

右運河

嘉慶二十五年邑人魏晉輝等重浚內城河至道光元年工竣

同治八年邑人徐錫麟孫銘重浚內城河至十二年

工竣

自經粵匪之亂城河穢塞至是始挑浚之出骸骨無算城內橋梁亦修治

明萬曆間邑宰曠鳴鸞邑紳張捷賀世壽姜志禮湯道

衡開東門外轉河賀學古捐田成之築埂堅闊建三
義閣萬壽塔於上至此漕運不由城內較為直捷
康熙十八年邑人吳維公陳燦重浚九曲河

按丹陽水利練湖為大明萬曆間在籍太常卿姜志
禮上書當道力阻佃湖賣湖之弊著有漕湖成議今
其書不傳 本朝鎮江府黎世序所造諸閘不失尺
寸巡撫林則徐增造之閘悉合機宜後人慎無輕動



